



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. I. Referuntur sententiæ, & vera eligitur

[urn:nbn:de:hbz:466:1-77355](#)

ARTICVLVS. IV.

An lex humana obliget ad sui observationem cum dispendio vita?

S. I.

Referuntur sententia, & veredictum.

35.

IN hujus difficultatis resolutione duæ sunt sententiae extreæ oppositæ: Altera negans legem humanam unquam obligare ad sui observationem cum dispendio vita: Altera afferens omnem legem humanam, quæ obligat sub peccato mortali servandam esse in omni eventu, etiam cum vita discrimine, nisi ex speciali benignitate legislatoris aliqua lex obligationem talēm non inducat. Primam sententiam docet Almainius in moralibus tract. 1. cap. 3. conclus. 4. Secunda vero tribuitur communiter Cajetano hic art. 4. & Adriano in 4. quæst. 3. de clavibus. Pro declaratione media & communis sententiae,

Dico, legem humanam interdum obligare cum periculo & dispendio vita, non tamen semper.

36.

Prima pars probatur, nam quando periclitatur salus publica, nisi ei cum manifesto dispendio vita aliorum suorum civium subveniat, Princeps vel Respublica potestatem habet obligandi subditos ad exponentiam vitam pro salute Reipublicæ, & ad agendum aliquid, non obstante evidenti periculo vita. Si in bello justo milites a ducibus jubentur servare stationem periculosam, vel facere irruptionem, cum periculo & dispendio vita. Sic etiam tempore pestis possunt Pralati & Magistratus præcipere ut aliqui Presbyteri & Medici manent in civitate, ut ei in tanta necessitate succurrant. Ratio est, quia omnis perfecta communitas debet habere medium conservandi salutem totius, etiam cum dispendio alicujus suæ partis, cum non minus de jure naturæ sit, ut totum se conservet, etiam cum destructione partis, quam ut pars se periculo exponat propter conservationem totius.

37.

Advertendum tamen est, leges illas quæ cives obligant ad exponentiam vitæ pro salute Republicæ, non esse purè humanas, sed aliquid juris naturalis includere, cum de jure naturæ sit, ut partes & membra cum dispendio sui se expellant, quando id necessarium est ad totius conservationem; quia tamen obligatio illa naturalis confusa est, & indeterminata ad hunc aut illum, per humanam legem aut potestatem determinari debet, & sic obligatio certa & determinata, non est purè legis naturæ, sed humanæ adjunctæ.

Quod si queras, unde cognosci possit an lex humana obligare cum dispendio vita? Respondeo id ex hac potissimum regula colligi posse. Quotiescumque id quod præcipitur lege humana, ita conductus ad bonum commune, ut maius bonum commune sit observare legem, quam servare propriam vitam, tunc lex humana obligat etiam cum dispendio vita. Si autem sit maius bonum commune conservare vitam propriam, quam servare legem, tunc lex humana non obligat cum vita dispendio. Et ratio est, quia conservatio vitæ civium spectat ad bonum commune, sicut observatio legis: Ergo nisi obligatio legis sit majoris momenti in ordine ad bonum commune, quam conservatio

A vita civium, legislator cum tanto dispendio non potest obligare ad legis observationem; obligaret enim irrationaliter, cum non ordinaret minus bonum ad majus, sed è contra majus ad minus.

Ex qua ratione & regula probata manet secunda pars conclusionis, non semper enim observatio legis est majoris momenti ad bonum communem, quam conservatio vita civium, imò nec quam conservatio formæ & bonorum temporalium: Ergo non semper obligat cum dispendio vita, imò nec cum dispendio famæ vel rei familiaris; quin potius dicendum est, leges humanæ raro obligare cum magno dispendio vita, famæ, aut rei familiaris, quia raro observatio legis est majoris momenti ad bonum communem, quam vita civium, aut fama, vel res familiaris. Et quidem defectus hujus obligationis, non solum ex benignitate legislatoris procedit, ut videtur docere Cajetanus, sed etiam ex defectu potestatis illius, quia non potest aliquid præcipere, nisi secundum ordinem rationis, qui exposcit ut minus bonum non præsupponatur majori. Postulat etiam ordinem, ut lex humana non præcipiat impossibilia moraliter, id est valde difficilia, sed solum ea quæ possibilia sunt secundum naturam & consuetudinem patris, ut disp. præcedent art. 1. declaravimus, explicando conditiones seu qualitates legis humanæ ab Isidoro assignatas: Sed præcipere aliquid cum dispendio vita, famæ, vel rei familiaris, regulariter loquendo difficillimum est: Ergo lex mèrè humana communiter & regulariter cum tali dispendio non obligat.

Confirmatur: Lex divina positiva non semper obligat cum tanto dispendio: Ergo multo minus lex humana. Cölequentia pater, quia lex humana non habet tantam vim obligandi, quantum lex divina. Antecedens vero pater, tum ex facto David 1. Regum 21. qui comedit panes propositionis, quos non licebat edere nisi solis sacerdotibus, ne fame moreretur, quod Christus probavit Matth. 12. Tum etiam ex consilio quo 1. Machab. 2. Judæi decreverunt pugnare in die sabbati, in quo præceptum erat ut nihil operarentur, ut vitam scilicet tuerentur. Item Christus Matth. 12. suis discipulis apud Phariseos excusat, quod die sabbati propter necessitatem spicas vellerent, quod lege prohibitus erat. Demum præceptum confessionis integræ non obligat, quando ex integra confessione magnum detrimentum imminet penitenti, ut communiter Theologi docentes in Tractatu de penitentia: Ergo lex divina positiva non semper obligat cum notabilis detrimento. Idem constat in lege naturali, nam votum licet jure naturali redendum sit, non obligat cum periculo gravis incommodi. Et refutatio, que jure tum divinum naturali facienda est, non obligat cum majori proprio detimento.

Adverte tamen hoc inter legem divinam & humanam repertiri discrimen, quod lex divina solum ex benignitate legislatoris non obligat cum tanto detimento, poterat enim absoluere obligare cum illo, cum procedat immediatè à Deo, qui est Dominus omnium: Lex vero humana, non solum ex benignitate legislatoris, sed etiam ex defectu potestatis non obligat cum vita, aut famæ, vel rei familiaris dispendio; quia legislator humanus non habet potestatem disponendi de vita & bonis civium, nisi in ordine ad salutem & bonum communis, & cum ea solum conditione accipit potestatem à Republica, ut non nisi extrema

38.

39.

60.

DE POTESTATE LEGIS HUMANÆ.

549

- vel gravi urgente necessitate publicæ salutis, de vita & bonis civium disponere possit.
61. Ex dictis colligitur, legem humanam obligare cum vita dispendio, quando ejus violatio redudat in contemptum legislatoris; ut si quis comminando mortem alteri, induceret eum ad frangendum jejunium Ecclesiæ, vel ad omitendum sacram in die festo, in odium Ecclesiasticae potestatis, vel in contemptum fidei aut cultus divini, tunc enim ille etiam cum vita dispendio præceptum Ecclesiæ observare deberet, quia majoris momenti & utilitatis est, defensio fidei & Ecclesiasticae potestatis, quam vita propria conservatio. Sicut Eleazarus 2. Machab. 6. laudabiliter mortem sustinuit, ne legem Mosaïcam viciaret, & carnes porcinas ederet, quia in odium & contemptum legis ac religionis Judaicæ eas edere compellebatur.

S. II.

Solvuntur objectiones.

62. Contra primam partem nostræ conclusionis obiectio Almainus: Conservare vitam est de legenaturæ: Ergo nulla lex humana potest contrarium præcipere.
- Verum ad hoc solutio patet ex suprà dictis, respondetur enim non esse legis naturæ conservare vitam in quoconque casu, sed potius naturali rationi contentanænum esse, ut vita possit exponi periculo, propter honestatem & necessitatem boni communis, presentim si morte unius vita & salus plurimorum conservanda est.
63. Contra secundam obiectio Cajetanus: Lex humana obligat ad peccatum, ut articulo præcedenti ostensum est: Sed peccatum cum quovis periculo & dispendio evitandum est: Ergo lex humana cum quovis periculo & dispendio servanda est. Quod confinat variis exēpli, in quibus aliquæ leges humanæ cum dispendio vita obligare vindentur: homo enim (inquit) tenetur potius mori, quam cōtrahere matrimonium sine dispensatione cum consanguinea. Sacerdos debet potius morte eligere, quam celebrare sine vestibus sacris, vel aliis lege tantum humanæ requisitis. Item Innocentius III. cap. Sacris, De iis qua vi metusve causâ sunt, docet ab excommunicatis abstinentiū esse, etiam cum discriminare vite. Denum regula Carthusianorum non vescendi carnibus, etiam cum vita discrimine, ab ægrotis servari debet.
64. Huic etiam argumento facile respondetur, legis humanæ obligationem cessare communiter, quando periculum vita, vel gravis alterius danni occurrit, ideoque non obligare eo casu ad peccatum, neque culpabilem esse ipsius omissionem.
65. Ad exempla vero, in primis dico, quod quavis vera essent, id nobis non obesse, quia non est par ratio aut necessitas in omnibus aliis legibus vel præceptis humanis.
- Respondeo secundò, valde dubium & incertum esse, an leges humanæ in prædictis casibus cum vita dispendit obligent. In primis enim quoad primum exemplum multi docent posse aliquem meru mortis contrahere matrimonium si è cum consanguinea, absque consummatione, sicut de Malcho Monacho narrat D. Hieronymus in vita illius. Similiter multi existimant, metu mortis licitum esse sine ueste sacra, & sine aliis jure humano requisitis, missam celebrare, nisi metus mortis incuriat ad hoc faciendum in
- 66.
- A contemptum religionis, vel legis, aut ob alium finem malum. Idem dicendum de communicazione cum excommunicato, illa enim licita est, si periculum mortis imminet, dummodo non cedat in dedecus & contemptum Ecclesiastice potestatis. Unde in cap. Quoniam multos, 11. quæst. 3. & cap. Inter, de sententia excommunicationis, dicitur proper famis necessitatem licitum esse communicate cum excommunicato, procurando subsidium, modo non cedat in dedecus Ecclesiæ.
- B Ad caput vero Sacris, respondet Soto lib. 1. de justitia quæst. 6. art. 4. illud caput intelligendum esse, interveniente scandalo plebis sufficiens leges Ecclesiasticas contemni. Alij dicunt intelligendum esse de metu incusso in contemptum censuræ Ecclesiasticae. Alij de metu mortis leví, non excusante à legis obligatione & culpam penitus non excludente.
- C Denum ad regulam Carthusianorum, quæ a grotis prohibetur eſus carnium, etiam cum vita discrimine, respondent aliqui Doctores Parisienses, nempe Martinus de Magistris, Almainus, Gerlon, Major & alij, illam non ſolum non obligare, sed etiam, si adſit vita periculum, teneri Carthusianum jure naturæ ad eſum carnium, & peccare contra jus naturale de conservanda propria vita, si ab illis abſtineat. Verum hanc sententiam à veritate proſus alienam exſitimo, motus primò authoritate illius sanctissimi instituti, quod tacitè ſaltē approbatur ab Ecclesiæ, quæ ob ſummarium illius ſacri Ordinis auſteritatem, & exaltam regulæ obſervantiam, permittit ut cæteri omnes Religiosi, peritæ (licet non obtentæ) facultate à superioribus, poſſint ad hanc Religionem tranſire. Secundo, quia ſacratiſſima illa Carthusianorum lex, à miraculo incepſe dicitur, quo carnes paratae pro infirmito aliquo hujus Ordinis, in pices conversa ſunt. Tertiò, quia licet lex humana, ubi non continent jus naturale & divinum, cum periculo evidenti mortis non obliget, nihilominus non propterea ſequitur, non poſſe quempiam cum tali periculo eam obſervare. Religiosus enim videns mortem ſuam accelerari ex obſervatione rigoris ſui Ordinis, laudabiliter tamen, & cum merito, eum poſte obſervare. Item homo gravi paupertate laborans, non tenetur ad vitam conſervandam, pharmacum cariſſimi pretij emere, ſibi que illud per omnium bonorum ſuorum jacturam & venditionem poſcere. Poſt etiam quis ad liberandum amicum exponere ſe periculo mortis, & in naufragio, patri, vel principi, vel egregio viro licitum eſt tabulam relinqueret, cum eam poſſet quis commode capere, & mortem vitare. Cur ergo pariter non poterit Carthusianus tuā conſcienciam abſtinere à carnibus, urgente ad id obligatione ſua regula, licet ex Medicorum commonitione videat ſibi mortem ex hac abſtinentia imminere?
- D Respondent alij cum Victoria, relectione de temperantia, num. 8. & ſequentibus, Carthusianum in extrema necessitate aegritudinis constitutum, poſſe licet à carnibus abſtinere, non tamen teneri, ſed poſſe etiam licet eis vefci, ſi id iudicio Medicorum omnino sit neceſſarium ad vitam tuendam.
- Ego probabilius censeo cum nostro Aravio in Tractatu de legibus disp. 2. ſect. 3. difficult. 2. Carthusianum in caſu proposito, non ſolum poſſe, ſed etiam teneri cum vita dispendio aut periculo, à carnibus abſtinere; quia quidquid licitum eſt, præcipi poſt, & fieri ſtatuto neceſſarium, ad
- 67.
- 68.

Zzz iij

Tom. III.